

Հավելված
ՀՀ առաջին փոխարչապետի
2018 թ. դեկտեմբերի 28 -ի N 499-Ն
որոշման

ՔԱՂԱՔԱՑԻԱԿԱՆ ԾԱՌԱՅՈՒԹՅԱՆ ԹԱՓՈԽԻ ՊԱՇՏՈՆ ԶԲԱՂԵՑՆԵԼՈՒ
ՀԱՄԱՐ ԱՆՑԿԱՑՎՈՂ ՄՐՑՈՒՅԹԻ ԹԵՍՏԵՐԸ ԿԱԶՄԵԼՈՒ, ԹԵՍՏԱՅԻՆ
ԱՌԱՋԱԴՐԱՆՔՆԵՐԸ ՁԵՎԱՎՈՐԵԼՈՒ, ԹԵՍՏԱՅԻՆ ԱՌԱՋԱԴՐԱՆՔՆԵՐԻ
ԲՈՎԱՆԴԱԿԱՅԻՆ ԱՌԱՋԱՆԱՀԱՏԿՈՒԹՅՈՒՆՆԵՐԸ, ԹԵՍՏԱՅԻՆ
ԱՌԱՋԱԴՐԱՆՔՆԵՐԻ ՔԱՆԱԿԸ, ՀԱՐՑԱԶՐՈՒՅՑՑԻ ԱՆՑԿԱՑՄԱՆ
ՄԵԺՈՂԱԲԱՆՈՒԹՅՈՒՆԸ ԵՎ ՁԵՎԱԶԱՓԸ

1. ԸՆԴՀԱՆՈՒՐ ԴՐՈՒՅԹՆԵՐ

1. Սույն հավելվածով սահմանվում են քաղաքացիական ծառայության թափոր
պաշտոն զբաղեցնելու համար անցկացվող մրցույթի (այսուհետ՝ մրցույթ) թեստերը
կազմելու, թեստային առաջադրանքները ձևավորելու ընթացակարգերը, ինչպես նաև
թեստային առաջադրանքների բովանդակային առանձնահատկությունները, թեստային
առաջադրանքների քանակը, հարցազրույցի անցկացման մեթոդաբանությունը և ձևաչափը:

2. Մրցույթի թեստերը պետք է բխեն քաղաքացիական ծառայության պաշտոնի
անձնագրով սահմանված մասնագիտական գիտելիքների ու կոմպետենցիաների
տիրապետմանը ներկայացվող պահանջներից:

3. Թեստը թեստային առաջադրանքների համակարգ է, որի միջոցով ստուգվում է թեստա-
վորման մասնակցի մասնագիտական գիտելիքների ու կոմպետենցիաների տիրապետման
մակարդակը:

4. Թեստային առաջադրանքն ստուգողական խնդիր կամ հարց է՝ պարտադիր
կատարման պահանջով կամ ենթադրյալ ճիշտ և սխալ պատասխաններով, կամ
գործողության որոշակի ալգորիթմով:

5. Հարցազրույցը մրցույթի հարցազրույցի փուլին մասնակցելու իրավունք ձեռք
բերած մասնակցի մասնագիտական գիտելիքների և կոմպետենցիաների գնահատումն է:

2. ԹԵՍՏԵՐ ԿԱԶՄԵԼԸ, ԹԵՍՏԱՅԻՆ ԱՌԱՋԱԴՐԱՆՔՆԵՐ ՁԵՎԱՎՈՐԵԼԸ,
ԹԵՍՏԱՅԻՆ ԱՌԱՋԱԴՐԱՆՔՆԵՐԻ ԲՈՎԱՆԴԱԿԱՅԻՆ
ԱՌԱՋԱՆԱՀԱՏԿՈՒԹՅՈՒՆՆԵՐԸ ԵՎ ՔԱՆԱԿԸ

6. Թեստերում ընդգրկվող մասնագիտական գիտելիքների վերաբերյալ առաջա-
դրանքները կազմում են «Քաղաքացիական ծառայության մասին» Հայաստանի Հանրա-
պետության օրենքի (այսուհետ՝ օրենք) 2-րդ հոդվածի 1-ին մասով նախատեսված համապա-
տասխան մարմինները (այսուհետ՝ համապատասխան մարմին), իսկ կոմպետենցիաների
վերաբերյալ առաջադրանքները՝ Հայաստանի Հանրապետության վարչապետի աշխատա-
կազմի քաղաքացիական ծառայության գրասենյակը (այսուհետ՝ քաղաքացիական ծառայու-
թյան գրասենյակ՝ բացառությամբ գիսավոր քարտուղարի մրցույթի:

7. Գլխավոր քարտուղարի մրցույթի դեպքում թեստում ընդգրկվող մասնա-
գիտական գիտելիքների և կոմպետենցիաների վերաբերյալ առաջադրանքները կազմում
է քաղաքացիական ծառայության գրասենյակը:

8. Թեստում ընդգրկվող առաջադրանքների հարաբերակցությունը որոշվում է
ըստ պաշտոնների ենթախմբերի (N 1 ձև). որքան ցածր է պաշտոնի ենթախումբը, այնքան
գերակշռում են մասնագիտական գիտելիքների վերաբերյալ առաջադրանքները:

9. Մասնագիտական գիտելիքների վերաբերյալ թեստային առաջադրանքները
կազմվում են՝ հիմք ընդունելով տվյալ մարմնի գործունեության հիմնական ոլորտները և
տվյալ պաշտոնի առանձնահատկությունները:

10. Մասնագիտական գիտելիքների վերաբերյալ թեստային առաջադրանքները
կազմվում են համապատասխան մարմնի գիսավոր քարտուղարի կողմից հաստատված
մասնագիտական գիտելիքների շրջանակից:

11. Կոմպետենցիաների վերաբերյալ թեստային առաջադրանքները կազմվում են՝
հիմք ընդունելով տվյալ պաշտոնի անձնագրով սահմանված ընդհանրական և ընտրան-
քային կոմպետենցիաները:

12. Ներքին մրցույթի մասնագիտական գիտելիքների վերաբերյալ թեստային առաջադրանքները կազմվում են համապատասխան մարմնի և քաղաքացիական ծառայության տվյալ պաշտոնի իրավասությունները սահմանող, տվյալ ոլորտի քաղաքացիականության ու ուսումնական ծրագրերին վերաբերող իրավական ակտերից, քաղաքացիական ծառայության տվյալ պաշտոնի անձնագրով սահմանված գործառույթների իրականացումը կանոնակարգող սահմանադրական օրենքներից, օրենքներից, օրենսգրքերից, ենթաօրենսդրական նորմատիվ իրավական ակտերից և տվյալ պաշտոնի գործառույթների իրականացման համար անհրաժեշտ գիտելիքների շրջանակից:

13. Արտաքին մրցույթի մասնագիտական գիտելիքների վերաբերյալ թեստային առաջադրանքները կազմվում են Հայաստանի Հանրապետության Սահմանադրությունից, տվյալ ոլորտը և քաղաքացիական ծառայության տվյալ պաշտոնի անձնագրով սահմանված գործառույթների իրականացումը կանոնակարգող սահմանադրական օրենքներից, օրենքներից, օրենսգրքերից և տվյալ պաշտոնի գործառույթների իրականացման համար հենք հանդիսացող բազային գիտելիքների շրջանակից:

14. Չի թույլատրվում արտաքին մրցույթների դեպքում մասնագիտական գիտելիքներն ստուգող թեստային առաջադրանքներում ներառել հարցեր՝ ոլորտը կարգավորող ենթաօրենսդրական նորմատիվ, անհատական և ներքին իրավական ակտերից:

15. Պաշտոնների յուրաքանչյուր ենթախմբի համար թեստում ընդգրկվող մասնագիտական գիտելիքներն ստուգող իրավական ակտերից կազմվող թեստային առաջադրանքները կազմում են N 1 ձևում ներկայացված մասնագիտական գիտելիքների սահմանված հարաբերակցության առավելագույնը 50 տոկոսը:

16. Սույն հավելվածի 12-րդ և 13-րդ կետերով սահմանված դեպքերում սահմանադրական օրենքներից, օրենքներից, օրենսգրքերից թեստային առաջադրանքները կազմելիս՝ մրցույթի անցկացման մասին հայտարարության հետ միաժամանակ իրավարակվող բնագավառներում նշվում են սահմանադրական օրենքների, օրենքների, օրենսգրքերի համապատասխան գլոխները և հոդվածները:

17. Եթե պաշտոնի անձնագրով սահմանված է օտար լեզվի և (կամ) համակարգչային կոնկրետ ծրագրի տիրապետման պահանջ, ապա մասնագիտական գիտելիքների ստուգման թեստային առաջադրանքներում կարող են ներառվել տվյալ գիտելիքներն ստուգող առաջադրանքներ: Թեստում օտար լեզվի տիրապետումն ստուգող թեստային առաջադրանքներ ներառվում են, եթե պաշտոնի անձնագրում նշված է կոնկրետ օտար լեզվի իմացություն: Թեստում օտար լեզվի և (կամ) համակարգչային կոնկրետ ծրագրի տիրապետումն ստուգող թեստային առաջադրանքների ներառման դեպքում՝ մրցույթի անցկացման մասին հայտարարության հետ միաժամանակ հրապարակվող բնագավառներում նշվում է կոնկրետ օտար լեզվի և (կամ) համակարգչային կոնկրետ ծրագրի իմացության պահանջը:

18. Ենելով քաղաքացիական ծառայության պաշտոնների առանձնահատկություններից՝ կարող են կազմվել տարրեր բովանդակությամբ թեստեր:

19. Յուրաքանչյուր մրցույթի համար կազմվում է մեկ թեստ, որը բաղկացած է 50 թեստային առաջադրանքից:

20. Թեստային առաջադրանքները կարող են ունենալ հետևյալ ձևերը՝

1) **ճիշտ պատասխանի ընտրություն**, երբ թեստավորման մասնակցին առաջարկվում է հարց՝ ենթադրյալ պատասխաններով, որոնցից մեկը միանշանակ ճիշտ պատասխանն է, և որոնցից թեստավորման մասնակիցն ընտրում է պատասխանի իր տարրերակը.

2) **այլընտրանքային ընտրություն**, երբ թեստավորման մասնակիցը հարցին պատասխանում է «այո» կամ «ոչ».

3) **համապատասխանության որոշում**, երբ թեստավորման մասնակցին առաջարկվում է գտնել երկու ցանկի տարրերակների համապատասխանությունը.

4) **հաջորդականության որոշում**, երբ թեստավորման մասնակիցը համապատասխան հաջորդականությամբ դասավորում է ցանկում առաջադրված տարրերակները:

21. Թեստային առաջադրանքների օրինակելի ձևերը սահմանվում են N 2 ձևով:

22. Պաշտոնների տարբեր ենթախմբերի համար կազմվող թեստերը տարբերվում են թեստային առաջադրանքների բարդության մակարդակով: Թեստային առաջադրանքների բարդությունը որոշվում է՝ համաձայն պաշտոնի խմբի և ենթախմբի. որքան բարձր է պաշտոնի ենթախումբը, այնքան բարդ են թեստային առաջադրանքները:

23. Թեստային առաջադրանքները կազմելիս՝ անհրաժեշտ է հաշվի առնել հետևյալ պահանջները՝

- 1) բացառել ոչ միանշանակ և բարդ ձևակերպումները.
- 2) խնդիրներն ու հարցերը ձևակերպել տրամաբանական կառուցվածքով.
- 3) ժխտողական կառուցվածք ունեցող առաջադրանքները կազմել հնարավորինս քիչ, ընդ որում՝ ժխտողական «Չի», «Չէ», «Ոչ» մասնիկները նշել ընդգծված.
- 4) պատասխանների տարբերակներում չկիրառել «Բոլոր վերոգրյալները ճիշտ են (ճիշտ չեն)», «Բոլոր հիմնավորումները ճիշտ են (ճիշտ չեն)», «Ժվարկված պատասխանները ճիշտ են (ճիշտ չեն)» և այլ նմանատիպ ձևակերպումներ.
- 5) պատասխանների տարբերակներում չնշել մասնակի ճիշտ պատասխան.
- 6) բացառել գործողությունը դադարեցված իրավական ակտերից թեստային առաջադրանքների կիրառումը:

24. Մրցույթ անցկացնող համապատասխան մարմինը թեստային առաջադրանքների օրինակների նմուշներ է տեղադրում իր պաշտոնական կայքէջում, գլխավոր քարտուղարի մրցույթի դեպքում քաղաքացիական ծառայության գրասենյակը թեստային առաջադրանքների օրինակների նմուշները տեղադրում է իր պաշտոնական կայքէջում:

3. ՀԱՐՑԱԶՐՈՒՅՑԻ ԱՆՑԿԱՑՄԱՆ ՄԵԹՈԴԱԲԱՆԻ ԹՅՈՒՆԸ ԵՎ ԶԵՎԱԶԱՓԸ

25. Հարցազրույցի ընթացքում հանձնաժողովը մրցույթի մասնակցի վերաբերյալ առավել ամփոփ տեղեկություններ է ստանում, մրցույթի մասնակցին տալիս է հարցեր՝ նրա ներկայացրած տեղեկությունների ճշմարտացիությունը հնարավորինս պարզեցու

նպատակով, գնահատում է նրա մասնագիտական գիտելիքների և կոմպետենցիաների համապատասխանությունը տվյալ պաշտոնի համար սահմանված պահանջներին:

26. Հանձնաժողովն իրավունք ունի ծանոթանալու մրցույթի մասնակցի ներկայացրած էլեկտրոնային փաստաթղթերին, ինչպես նաև մրցույթի նախապատրաստական աշխատանքներն իրականացնող ստորաբաժանման կողմից տրված՝ փաստաթղթերի ամբողջականության ու դրանց՝ իրավական ակտերի պահանջներին համապատասխանության մասին եզրակացություններին:

27. Մրցույթի հարցազրույցի փուլին մասնակցելու իրավունք ձեռք բերած բոլոր մասնակիցների հետ հարցազրույցն անցկացվում է միևնույն՝ մեկ և ավելի ձևաչափերով:

28. Հարցազրույցի անցկացման ժամանակ օգտագործվում են հետևյալ ձևաչափերը՝

1) **հարցարան.** կոնկրետ հարցերի միջոցով մասնակցի գիտելիքների, ունակությունների, հմտությունների և վարքագծի գնահատում.

2) **աշխատանքային իրավիճակներ.** կոնկրետ առաջադրանքի միջոցով աշխատանքային իրավիճակում մասնակցի կարողությունների գնահատում.

3) **արդի հիմնախնդիրներ.** ոլորտի հրատապ լուծում պահանջող արդիական խնդիրների մասին մասնակցի տեսակետի, վերլուծական մտքի և հաղորդակցության հմտությունների արտահայտում, տվյալ խնդրի դրական, բացասական հետևանքների և դրանց արդյունավետ լուծման հնարավոր տարրերակների առաջարկում.

4) **Էսեի կազմում.** հանձնաժողովի կողմից առաջարկվող թեմաներից որևէ մեկի վերաբերյալ մասնակցի տեսակետի կամ դիրքորոշման շարադրում: Այս ձևաչափը կարող է կիրառվել քաղաքացիական ծառայության միայն դեկավար պաշտոնների մրցույթների համար:

29. Հարցազրույցի ընթացքում հանձնաժողովի անդամները մասնակցին հնարավորություն են տալիս ինքնաներկայացնալու, ազատ և անկաշկանդ ներկայացնելու իր մասնագիտական գիտելիքներն ու հմտությունները: Հանձնաժողովի անդամները

մասնակցին կարող են տալ հարցեր, մասնակցի տված պատասխաններից կարող են կատարել անհրաժեշտ վերլուծություններ և եզրահանգումներ:

30. Սույն հավելվածի 28-րդ կետում նշված հարցազրոյցի անցկացման ձևաչափերը գնահատվում են 0-3 միավորների միջակայքում, որտեղ 0-ն պատասխանի բացակայությունն է, 1-ը ցածր մակարդակն է, 2-ը՝ միջին և 3-ը՝ բարձր:

31. Սույն հավելվածի 28-րդ կետի 1-ին ենթակետով նախատեսված ձևաչափով նախօրոք կազմված հարցերի միջոցով անցկացվում է հարցազրոյց: Հարցարանով նախատեսված յուրաքանչյուր բաժնի հարցերին մասնակցի կողմից տրված պատասխանները սահմանված ձևաչափով գնահատվում են հանձնաժողովի անդամների կողմից:

32. Սույն հավելվածի 28-րդ կետի 1-ին ենթակետով նախատեսված ձևաչափով մասնակցի մասնագիտական գիտելիքների և կոմպետենցիաների բացահայտման համար տրվող հարցերի, գնահատման չափանիշների, գնահատման համար հիմք հանդիսացող ցուցիչների և միավորների օրինակելի ձևերը սահմանվում են N 3 ձևով:

33. Սույն հավելվածի 28-րդ կետի 2-րդ ենթակետով նախատեսված ձևաչափով հարցազրոյցը վարելու դեպքում հանձնաժողովը մասնակցին կարող է հանձնարարել տվյալ պաշտոնի գործառույթներից բխող որևէ առաջադրանք, իսկ մասնակիցը որոշակի ժամանակահատվածում պետք է ներկայացնի դրա լուծման իր տարրերակը: Հանձնաժողովը մասնակցին կարող է հանձնարարել նաև որևէ շնորհանդես անցկացնել կամ ստուգել ինչոր փաստաթուղթ: Փաստաթուղթը կարող են լինել՝ ինչպես ճիշտ ձևակերպված, այնպես էլ՝ սխալներով: Ստուգման ընթացքում սխալների հայտնաբերումը կամ բացթողումը կարող է վկայել մասնակցի կոմպետենտության մասին:

34. Սույն հավելվածի 28-րդ կետի 2-րդ ենթակետով նախատեսված ձևաչափով մասնակցի մասնագիտական գիտելիքների և կոմպետենցիաների բացահայտմանը վերաբերող աշխատանքային իրավիճակների օրինակելի ձևը սահմանվում է N 4 ձևով:

35. Սույն հավելվածի 28-րդ կետի 3-րդ ենթակետով՝ նախատեսված ձևաչափով՝ մասնակցի մասնագիտական գիտելիքները և կոմպետենցիաները բացահայտելու համար հանձնաժողովը մասնակցին առաջարկում է ոլորտի հրատապ լուծում պահանջող արդիական խնդիրների, տրված խնդիրների դրական, բացասական հետևանքների և դրանց արդյունավետ լուծման վերաբերյալ գրավոր՝ երկու էջի սահմաններում՝ ներկայացնել առաջարկություններ:

36. Սույն հավելվածի 28-րդ կետի 3-րդ ենթակետով՝ նախատեսված ձևաչափով՝ մասնակցի մասնագիտական գիտելիքների և կոմպետենցիաների բացահայտմանը՝ վերաբերող արդի հիմնախնդիրների օրինակելի ձևը սահմանվում է N 5 ձևով:

37. Սույն հավելվածի 28-րդ կետի 4-րդ ենթակետով՝ նախատեսված Էստեն մասնակիցը գրում է ազատ ոճով, շարադրում է առաջադրված թեմայի վերաբերյալ խնդիրները, դրանց լուծման հնարավոր տարրերակները և հիմնավորումները:

38. Էստենի թեման կարող է առաջադրվել հանձնաժողովի կողմից կամ մասնակցի ընտրությամբ՝ հանձնաժողովի կողմից առաջարկված առնվազն երեք թեմայից:

39. Էստեն ունի հետևյալ կառուցվածքը՝

1) **առաջարան**, որտեղ շարադրվում է առաջադրված թեմայի արդիականությունը.

2) **թեզիսներ**, որտեղ՝ ներկայացվում են հիմնավոր ապացույցներն ու անձնական տեսակետները.

3) **վերջաբան**, որտեղ տրվում է առաջադրված թեմայի վերաբերյալ եզրակացություն:

40. Էստեն գրելու համար մասնակցին տրվում է 30 րոպե ժամանակ:

41. Էստենի թեմաների օրինակելի ցանկը և Էստենի գնահատման չափանիշների օրինակելի ձևը սահմանվում է N 6 ձևով:

42. Էստենի համար սահմանված միավորն իշեցվում կամ գնահատվում է 0, եթե՝

1) առաջադրված թեմայի էությունը սխալ է ընկալվել.

2) շարադրանքի տրամարանական կառուցվածքը բացակայում է.

- 3) հիմնավորումների փոխարեն օգտագործվել է հոեսորաբանություն.
- 4) տվյալները կիրառվել են ոչ ճիշտ՝ անտեղի ընդհանրացումներով.
- 5) ներկայացված է ընդարձակ նկարագրական մաս՝ առանց վերլուծական նյութի.
- 6) բացակայում է սեփական դիրքորոշումը, ներկայացվում են ուրիշների տեսակետները՝ առանց հղումների:

43. Հանձնաժողովի կողմից, հարցազրոյցի անցկացման ձևաչափերին համապատասխան, մրցույթի մասնակցի մասնագիտական գիտելիքները և կոմպետենցիաները գնահատվում են Հայաստանի Հանրապետության կառավարության քաղաքացիական ծառայության թափուր պաշտոն զբաղեցնելու համար մրցույթ անցկացնելու կարգը սահմանելու վերաբերյալ որոշմամբ սահմանված՝ մասնակցի հարցազրոյցի գնահատման թերթերում:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԱՌԱՋԻՆ ՓՈԽՎԱՐՉԱՊԵՏԻ
ՊԱՇՏՈՆԱԿԱՏԱՐ**

Ա. ՄԻՐԶՈՅԱՆ

ՀԱ N 1

ԹԵՍՏՈՒՄ ԸՆԴԳՐԿՎՈՂ ՄԱՍՆԱԳԻՏԱԿԱՆ ԳԻՏԵԼԻՔՆԵՐԻ ԵՎ ԿՈՄՊԵՏԵՆՑԻԱՆԵՐԻ
ՎԵՐԱԲԵՐՅԱԼ ԹԵՍՏԱՅԻՆ ԱՌԱՋԱԴՐԱՆՔՆԵՐԻ ՀԱՐԱԲԵՐԱԿՑՈՒԹՅՈՒՆԸ

Տ/Տ Հ/Կ	Պաշտոնի ենթախումբը	Մասնագիտական գիտելիքներին վերաբերող առաջադրանքների թիվը (տոկոս)	Կոմպետենցիաներին վերաբերող առաջադրանքների թիվը (տոկոս)
1.	Դեկավար պաշտոնների 1-ին և 2-րդ ենթախմբեր	30	70
2.	Դեկավար պաշտոնների 3-րդ, 4-րդ և 5-րդ ենթախմբեր	40	60
3.	Մասնագիտական պաշտոնների 1-ին և 2-րդ ենթախմբեր	60	40
4.	Մասնագիտական պաշտոնների 3-րդ, 4-րդ և 5-րդ ենթախմբեր	70	30

Ձև N 2

ԹԵՍՏԱՅԻՆ ԱՌԱՋԱԴՐԱՆՔՆԵՐԻ ԶԵՎԵՐԸ

Թեստային առաջադրանքի ձևերը	Հարցը կամ խնդիրը	Օրինակ
1. Ճիշտ պատասխանի ընտրություն	Նշեք ճիշտ պատասխանը	<p>Անհատի կողմից արտահայտվող առանձնահատող և համեմատաբար կայուն վարքի, մտածողության և զգացմունքների կառուցվածքը՝</p> <p>Ա. Անհատականություն</p> <p>Բ. Գիտակցություն</p> <p>Գ. Բնավորություն</p> <p>Դ. Խիզախություն</p>
2. Այլընտրանքային ընտրություն	Պատասխաներ «Այ» կամ «Ոչ»	<p>Ճիշտ է, արդյոք, որ Հայաստանի Հանրապետության տարածքում ամենաբարձր լեռը Արարատն է:</p> <p>Պատասխան՝</p> <p>«Այ»</p> <p>«Ոչ»</p>
3. Համապատասխանության որոշում	Դասավորեք ըստ համապատասխանության՝ ձախ սյունակի եզրույթները և աջ սյունակի մեջնաբանությունները	<p>1. Կառավարում՝ Ա. Աշխատողների աշխատանքի գնահատում և շտկում՝ սահմանված նպատակներին համապատասխան.</p> <p>2. Հսկողություն՝ Բ. Կազմակերպությունում աշխատող մարդկանց գործունեության ակտիվացմանը միտված գործողություն</p> <p>3. Շահադրդում՝ Գ. Վարչարարական գործառույթների իրականացման գործընթաց</p> <p>Պատասխան՝</p> <p>1) 1-Ա, 2-Բ, 3-Գ 2) 1-Բ, 2-Գ, 3-Ա 3) 1-Գ, 2-Ա, 3-Բ</p>

4. Հաջորդականության որոշում	Դասավորեք ճիշտ հերթականությամբ	<p>Դասավորեք շաբաթվա օրերը ճիշտ հերթականությամբ՝</p> <p>Ա. կիրակի</p> <p>Բ. երեքշաբթի</p> <p>Գ. շաբաթ</p> <p>Դ. երկուշաբթի</p> <p>Պատասխան՝</p> <p>1) Ա, Բ, Գ, Դ</p> <p>2) Դ, Բ, Գ, Ա</p> <p>3) Գ, Դ, Ա, Բ</p>
-----------------------------	--------------------------------	--

ՀԱՐՑԱՐԱՆ

**Ն 1 բաժին. Քաղաքացիական ծառայության և պետական կառավարման
առաջնահերթությունների ընկալում**

Հիմնական հարցեր	Լրացուցիչ հարցեր
1. Ինչո՞վ է պետական ծառայությունը տարբերվում մասնագիտական գործունեության այլ ձևերից:	Քաղաքացիական ծառայողի իրավական կարգավիճակի ի՞նչ առանձնահատկություններ կարող եք նշել: Նշեք քաղաքացիական ծառայողի նկատմամբ կիրառվող սահմանափակումները: Ի՞նչ սոցիալական երաշխիքներ ունի քաղաքացիական ծառայողը:
2. Որո՞նք են պետական ծառայության հիմնական գործառույթները որպես սոցիալ-իրավական ինստիտուտ:	Ինչպիսի՞ հիմնական խնդիրներ են լուծում քաղաքացիական ծառայությունը և պետական կառավարումը ժամանակակից փուլում: Ինչպի՞ս եք հասկանում «պետական կառավարման թափանցիկություն» եզրույթը: Բացահայտեք «Էլեկտրոնային կառավարում» հասկացության էությունը:
3. Այլ հարցեր՝ առաջադրված հանձնաժողովի կողմից	Ինչպի՞ս եք զնահատում վարչական բարեփոխումների հեռանկարները: Տվեք պետական կառավարման մարմինների գործունեության վերաբերյալ Ձեր զնահատականը (Ձեր կարծիքը): Թվեք ժամանակակից հասարակության և պետության մեջ կոռուպցիայի պատճառները, հակակոռուպցիոն գործունեության իրականացման հնարավոր մեթոդները (այն մասնակիցների համար, ովքեր հավակնում են կոռուպցիոն ռիսկերի հետ կապված պաշտոնների):

Ն 1 բաժնի գնահատման չափանիշները

Գնահատման չափանիշը	Միավորը	Ցուցիչը
Բարձր մակարդակ	3	Տիրապետում է քաղաքացիական ծառայության նպատակներին և առաջնահերթություններին, ամրողական պատկերացում ունի պետական կառավարման համակարգի և նրա գործարկման սկզբունքների մասին: Գերազանց կողմնորոշվում է նորմատիվ իրավական դաշտում:
Միջին մակարդակ	2	Պատկերացում ունի քաղաքացիական ծառայության և պետական կառավարման համակարգի հիմնական առաջնահերթությունների մասին: Նորմատիվ իրավական դաշտի գիտելիքների իմացությունը բավարար է:

Ցածր մակարդակ	1	Գիտելիքները մակերեսային են, ոչ համակարգային: Հստակ չի պատկերացնում քաղաքացիական ծառայության և պետական կառավարման խնդիրներն ու առաջնահերթությունները: Իրավական գիտելիքներն անրավարար են:
---------------	---	---

N 2 բաժին. Մասնագիտական գիտելիքներ և հմտություններ

Թափուր պաշտոնը համալրելու համար մասնակիցների գիտելիքների մակարդակը	Հիմնական հարցեր	Լրացուցիչ հարցեր
1. Տեսական գիտելիքների մակարդակ	Ի՞նչ հիմնական տեսական (ընդհանուր և հատուկ) գիտելիքներ ունեք:	Բացահայտեք պետական իշխանության մարմինների կազմակերպման սկզբունքները:
2. Ձեր պատկերացումները տվյալ պաշտոնների գործառույթների մասին	Տեղյա՞կ եք պաշտոնի անձնագրին: Թվարկեք տվյալ պաշտոնի համար սահմանված հիմնական պարտականությունները:	Նկարագրեք այն գործառույթները, որոնք համարում եք առավել կարևոր նոր պաշտոնում: Ի՞նչ է առավել հետաքրքրում Ձեր աշխատանքային պարտականությունների կատարման գործում:
3. Մասնագիտական պատրաստվածության մակարդակ	Ինչպիսի՞ հիմնական մասնագիտական հմտությունների եք տիրապետում՝ հետագա աշխատանքային պարտականությունները կատարելու համար:	Թվարկեք աշխատանքային գործունեության համապատասխան ոլորտի հիմնական խնդիրները (հետազա մասնագիտական գործունեության ոլորտներին համապատասխան): Նշեք հիմնական սորմատիվ իրավական փաստաթղթերը, որոնք կանոնակարգում են ստորաբաժանման գործունեությունը: Արդյո՞ք, ունեք փորձ գործունեության տվյալ ոլորտում: Տվյալ ոլորտում պետական կառավարման արդյունավետության բարձրացման վերաբերյալ Ձեր հնարավոր առաջարկները: Ինչպիսի՞ն են, Ձեր կարծիքով, պետություն-բիզնես փոխարքերությունների զարգացման հետանկարները: Ծանո՞թ եք, արդյոք, տվյալ ոլորտում տեղական և արտասահմանյան փորձին:
4. Մասնագիտական հմտությունների բացահայտում	Ինչպիսի՞ ուսակությունների եք տիրապետում՝ հետևյալ աշխատանքները կատարելու համար.....:	Կարո՞՞ն եք գրել գրություն, հաշվետվություն: Օրինակներ բերեք Ձեր նախկին աշխատանքային գործունեությունից: Ո՞ր մասնագիտական հմտություններն եք համարում Ձեր առավելությունը, որո՞նք՝ թերությունները: Գնահատեք Ձեր՝ ելույթով և գեկույցով հանդես գալու կարողությունը: Բերեք օրինակներ: Նշեք Ձեր կողմից ելույթով հանդես գալու դրական կողմերը: Ունե՞ք, արդյոք, լրացուցիչ որակավորում:

5. Տեղեկատվական տեխնոլոգիաների տիրապետման մակարդակի բացահայտում	Ինչպէ՞ս եք զնահատում տեղեկատվական տեխնոլոգիաների տիրապետման Ձեր մակարդակը:	<p>Ծրագրատեխնիկական ինչպիսի՞ սարքավորումներով կարող եք աշխատել (լուսապատճեն, տպիչ, պատճենահանող սարք և այլն):</p> <p>Ի՞նչ համակարգչային ծրագրերով կարող եք աշխատել:</p> <p>Կարո՞՞ն եք աշխատել ինտերնետով և էլեկտրոնային փոստով:</p> <p>Կարո՞՞ն եք աշխատել տվյալների բազայի հետ, եթե այս՝ թվարկեք:</p> <p>Տեղեկատվական տեխնոլոգիաների ոլորտում ինչպիսի՞ գիտելիքների եք տիրապետում:</p> <p>Ունե՞ք ծրագրավորման հմտություններ:</p>
6. Կառավարման ոլորտի համակարգման և ուսումնական պահանջանառության հմտությունների բացահայտում (ղեկավար պաշտոնների իսկի համար)	<p>Ձեր աշխատանքային գործունեության ընթացքում մշակե՞լ եք երրուէ ուսումնական պլան:</p> <p>Կարողանո՞ւմ եք կազմակերպել Ձեր ղեկավարած ստորաբաժանման արդյունավետ գործունեությունը:</p>	<p>Ինչպիսի՞ դժվարությունների եք հանդիպում ուսումնական պլանի մշակման ժամանակ:</p> <p>Մասնակցե՞լ եք, արդյոք, այդ պլանի իրականացմանը:</p> <p>Նկարագրեք, թե ուսումնական պլանի կիրառման ընթացքում ինչպես եք հսկելու ու համակարգելու գործընթացը:</p> <p>Ի՞նչ եք հասկանում «կառավարչական գործունեության համակարգում» ասելով: Ունե՞ք նման փորձ:</p> <p>Ինչպե՞ս բաշխում աշխատողների աշխատանքային հանձնարարությունները:</p>
7. Կառավարչական որոշումների ընդունման հմտությունների բացահայտում (ղեկավար պաշտոնների իսկի համար)	Ինչպէ՞ս եք կառավարում Ձեր ենթականների իրավատությունների պատվիրակումը:	<p>Հաճա՞ն եք հետաձգում կարևոր խնդիրները, որպեսզի կատարեք մյուսները:</p> <p>Հաճա՞ն եք կատարում այլ անձանց աշխատանքը, որը նրանք կարող են կատարել առանց Ձեզ:</p> <p>Որքանո՞վ են Ձեր աշխատանքային ընկերները և ենթականները տիրապետում տվյալ գործունեության ոլորտի խնդիրներին, որպեսզի փոխարինեն Ձեզ:</p>
8. Իրավաստեղծ գործունեության հմտությունների բացահայտում	Ունե՞ք, արդյոք, իրավաստեղծ գործունեության հմտություններ:	<p>Նորմատիվ իրավական փաստաթղթերի մշակման փորձ ունե՞ք:</p> <p>Բերեք օրինակներ:</p>
9. Տեղեկատվական նյութերի պատրաստման և համակարգման հմտությունների բացահայտում	Ունե՞ք, արդյոք, պատկերացում տեղեկատվական նյութերի պատրաստման և համակարգման մասին:	<p>Ի՞նչ եք հասկանում «տեղեկատվական նյութերի հավաքագրում» ասելով:</p> <p>Ունե՞ք, արդյոք, փորձ տվյալ ոլորտում:</p> <p>Ինչպե՞ս եք պատկերացնում վերլուծական հաշվետվության մեխանիզմը:</p> <p>Ունե՞ք, արդյոք, փորձ ինքնուրույն պատրաստելու տեղեկատվական նման նյութեր:</p>
10. Հակասությունների լուծման հմտությունների բացահայտում	Ունե՞ք, արդյոք, փորձ խմբում կոնֆիդենտային իրավիճակի լուծման և զնահատման հմտություններ:	<p>Փոքր խմբում հակասությունների հաղթահարման ինչպիսի՞ մեթոդներ գիտեք:</p> <p>Խմբում հոգեբանական մթնոլորտի բնորոշման ինչպիսի՞ մեթոդների եք տիրապետում:</p> <p>Կարո՞՞ն եք, արդյոք, խմբում կանխորչել միջանձնային հարաբերությունների կառուցվածքը:</p>

N 2 բաժնի գնահատման չափանիշները

Գնահատման չափանիշը	Միավորը	Ցուցիչը
Բարձր մակարդակ	3	Գերազանց տիրապեսում է ապագա աշխատանքային ոլորտին: Մասնագիտական հմտությունների զարգացման մակարդակը բարձր է, ոնի տարրեր աշխատանքներ կատարելու հմտություններ, տեղեկատվական տեխնոլոգիաների տիրապետման մակարդակը բարձր է:
Միջին մակարդակ	2	Ծանոթ է աշխատանքային ոլորտին, ոնի մասնագիտական հմտությունների զարգացման միջին մակարդակ, տարրեր աշխատանքներ կատարելու մի շարք կարողություններ, տեղեկատվական տեխնոլոգիաների տիրապետման մակարդակը՝ միջին:
Ցածր մակարդակ	1	Ապագա աշխատանքային գործունեության ոլորտի իմացությունն անբավարար է; Ոնի մասնագիտական հմտությունների զարգացման անբավարար մակարդակ, չունի տարրեր աշխատանքներ կատարելու կարողություններ, տեղեկատվական տեխնոլոգիաների տիրապետման մակարդակը՝ ցածր:

N 3 բաժին. Որակի և արդյունքի ապահովում

Հիմնական հարցեր	Լրացուցիչ հարցեր
<ol style="list-style-type: none"> Հիշեք դեռք, եք ստիպված եք եղել լուծել բարդ խնդիր և ներկայացրեք մանրամասները: Կարողանո՞ւմ եք հանձնարարված աշխատանքը միշտ կատարել սահմանված ժամկետում: Որքա՞ն հաճախ եք սխալներ թույլ տալիս հանձնարարված աշխատանքը կատարելիս: Նվազագույն Ձեր ունակությունը՝ գործը մինչև վերջ կատարելու համար: 	<p>Որքա՞ն հաճախ եք ստիպված լինում ավելի երկար մսալ աշխատանքի վայրում և ինչց՞ւ է դա պայմանավորված: Կարողանո՞ւմ եք կատարել հանձնարարված աշխատանքը՝ առանց կողմնակի օգնության: Չսխատեսված բարդ իրավիճակներ առաջանալու դեպքում կարո՞՞ն եք ճիշտ կողմորոշվել և կայացնել համապատասխան որոշում:</p>

N 3 բաժնի գնահատման չափանիշները

Գնահատման չափանիշը	Միավորը	Ցուցիչը
Բարձր մակարդակ	3	Ցուցաբերում է որակի և արդյունքի նկատմամբ ուղղվածության բարձր մակարդակ, որի մասին վկայում են հանձնարարված աշխատանքի կատարման ինքնուրույնությունը, բարդ իրավիճակներում կողմնորոշվելու ունակությունը, սկսած աշխատանքն ավարտին հասցնելու ունակությունը:

Միջին մակարդակ	2	Ցուցաբերում է որակի և արդյունքի նկատմամբ ուղղվածության միջին մակարդակ: Բարդ առաջադրանքների կատարման համար նրան հարկավոր է կողմնակի օգնություն: Երբեմն մոլորվում է, քայլ կարող է ինքնուրույն որոշումներ կայացնել: Ունակ է ավարտին հասցնել սկսած աշխատանքը, քայլ անհրաժեշտ են հուշումներ և վերահսկում:
Ցածր մակարդակ	1	Ցուցաբերում է որակի և արդյունքի նկատմամբ ուղղվածության ցածր մակարդակ: Առանց կողմնակի օգնության չգիտի ինչ նախաձեռնել: Բարդ իրավիճակներ առաջանալու դեպքում ունակ չէ ինքնուրույնարար որոշումներ կայացնել: Անհրաժեշտ են անընդհատ հուշումներ և վերահսկում դեկավարության կողմից:

N 4 բաժին. Հաղորդակցման հմտություններ

Թափուր աշխատատեղերի համար դիմորդների կոմպետենցիաների ստուգում	Հիմնական հարցեր	Լրացուցիչ հարցեր
1. Թիմում աշխատելու ունակությունների ստուգում	Ի՞նչպես եք վերաբերվում թիմային աշխատանքին:	Համագործակցո՞ւմ եք, արդյոք, գործընկերների հետ՝ բարդ խնդիրներ լուծելու ժամանակ, եթե այն հանձնարարվել է միայն Ձեզ: Պատրա՞ստ եք կիսվել Ձեր գիտելիքներով և հմտություններով՝ այլ աշխատողների հետ: Խորհրդակցո՞ւմ եք Ձեր գործընկերների հետ կամ անհրաժեշտության դեպքում աջակցո՞ւմ եք նրանց: Ձեզ ավելի հարմար է աշխատել թիմո՞ւմ, թե՞ միայնակ: Նոր կողեկտիվում ինչպիսի՞ վարք եք դրսնորում:
2. Գործնական կապերի հաստատման ունակություն	Ի՞նչպես եք գնահատում գործնական կապեր հաստատելու ձեր կարողությունները:	Դուք կարողանո՞ւմ եք միշտ հստակ արտահայտել ձեր մտքերը՝ գործընկերների հետ շփվելիս: Կարողանո՞ւմ եք լսել և հասկանալ զրուցակցին: Գործընկերների հետ հաղորդակցվելու ժամանակ ձգուո՞ւմ եք հասնել լիարժեք փոխըմբռնման: Ո՞ր դեպքերում եք պատրաստ գնալ փոխազիջման: Ձեր պրակտիկայում եղե՞լ են նման իրավիճակներ:
3. Մարդկանց հետ աշխատելու ունակություն (դեկավար պաշտոնների հսմրի համար)	Մարդկանց հետ աշխատելու ունակություն	Ինչպիսի՞ կառավարման մոդել կը նշտրեիք, եթե լինելիք դեկավար: Ենթակային հանձնարարական տալիս ինչպե՞ս եք հասկանում, որ նա ճիշտ է ընկալել հանձնարարականի իմաստը: Եթե հնարավոր է, օրինակ թերեք: Ձեր պրակտիկայում եղե՞լ են, արդյոք, դեպքեր, երբ ենթականները սխալ են հասկացել իրենց առջև դրված խնդիրը: Ինչպիսի՞ քայլեր եք ձեռնարկել դա շտկելու համար: Կարողանո՞ւմ եք, արդյոք, բացահայտել աշխատողի ներուժը: Եթե այս, ապա ինչպե՞ս եք դա անում:

N 4 բաժնի գնահատման չափանիշները

Գնահատման չափանիշները	Միավորը	Ցուցիչը	Ցուցիչ՝ դեկավար պաշտոնների համար
Ուժեղ արտահայտված որակներ	3	Ցուցաբերում է թիմում աշխատելու հստակ հակվածություն: Կարողանում է արդյունավետ համագործակցել ուրիշների հետ, հստակ արտահայտում է իր մտքերը, կարողանում է լսել զրուցակցին, հաղորդակցվելիս ձգտում է հասնել լիարժեք փոխարժեություններ:	Հստակ, մատչելի ձևակերպում է հանձնա- րարականները: Լավ է հասկանում ենթակայի կարողությունները:
Միջին արտահայտված որակներ	2	Ունի թիմում աշխատելու հակվածություն, կարողանում է համագործակցել մյուսների հետ, կարողանում է հստակ արտահայտել իր մտքերը՝ ձգտելով լսել զրուցակցին:	Կարողանում է ենթակայի համար հասկանալի կերպով ձևակերպել հանձնա- րարականները՝ հաշվի առնելով նրա հնարա- վորությունները:
Թույլ արտահայտված որակներ	1	Մենակության ձգտող անձը չի սիրում աշխատել թիմում: Հազվադեպ է ընդունում և առաջարկում օգնություն, դժվարությամբ է ձևակերպում մտքերը, չի կարողանում լսել զրուցակցին, չի ձգտում հաղորդակցվել:	Չի կարողանում հստակ ձևակերպել հանձնարարական- ները՝ հաշվի առնելով ենթակայի կարողությունները:

N 5 բաժին. Պաշտոն զբաղեցնելու դրդապատճառը (մոտիվացիան)

Հիմնական հարցեր	Լրացուցիչ հարցեր
<p>1. Որո՞նք են նախորդ աշխատանքից (պաշտոնից) ազատվելու պատճանները:</p> <p>2. Ինչպիսի՞ առավելություններ եք տեսնում նոր պաշտոնում՝ նախկինի համեմատությամբ:</p> <p>3. Ի՞նչպիսին են Ձեր պատկերացումներն առաջարկվող աշխատանքում հնարավոր բացասական երևույթների կամ դժվարությունների վերաբերյալ:</p> <p>4. Ինչպիսի՞ն են Ձեր պատկերացումները նոր աշխատանքի վայրում հեռանկարների վերաբերյալ:</p>	<p>Ինչպես էիր հայտնվել այն պաշտոնում, որն զբաղեցնում էիր վերջին ժամանակահատվածում:</p> <p>Ինչո՞ւ եք ազատվել աշխատանքից (պատրաստվում եք ազատվել կամ տեղափոխվել այլ աշխատանքի):</p> <p>Որո՞նք էին Ձեր պարտավորությունները:</p> <p>Ի՞նչ էիր առավել շատ գնահատում նախորդ պաշտոնում:</p> <p>Ի՞նչ էր Ձեզ ամենից շատ նյարդայնացնում նախկին աշխատավայրում: Ո՞ր պարտավորությունները հաճույքով չիր կատարում:</p> <p>Ի՞նչ սպասելիքներ ունեք նոր պաշտոնից:</p> <p>Ինչպես եք վերաբերվում փոփոխություններին:</p>

	<p>Ի՞նչը կարող է Ձեզ մոտ սքրես առաջացնել աշխատավայրում:</p> <p>Կարո՞՞ն եք ապագա պաշտոնի մասին ասել, որ աշխատանքը հետաքրքիր է, և վարձատրությունը բավարար է:</p> <p>Կարո՞՞ն եք ասել, որ նոր պաշտոնում կկարողանաք բացահայտել ինքներդ Ձեզ և Ձեր կարողությունները:</p> <p>Ի՞նչ եք կարծում՝ ոմնե՞ք, արդյոք, կարիերայի աճի հեռանկար դեկավար պաշտոններում:</p> <p>Խթանման ո՞ր տարրերակներն են Ձեր համար առավել ընդունելի (պարզևատրում, առաջընթացի հսարաՎորություններ, երախտագիտության արտահայտում, մրցանակներ և այլն):</p>
--	--

N 5 բաժնի գնահատման չափանիշները

Գնահատման չափանիշները	Միավորը	Ցուցիչը
Բարձր մակարդակ	3	Կողմնորոշվում է իր ապագա գործունեության առարկայի հարցում: Ցուցաբերում է մեծ հետաքրքրություն տվյալ պաշտոն գրադեցնելու հարցում: Հստակ տարանջատում է նոր պաշտոնի առավելությունները նախորդի համեմատ: Դրդապատճան ուղղված է սեփական կարողությունների բացահայտմանը՝ պետական կառավարման մարմնի նպատակներին հասնելու համար:
Միջին մակարդակ	2	Ունի բավարար գիտելիքներ գործունեության առարկայի վերաբերյալ: Ցուցաբերում է հետաքրքրություն պաշտոնն գրադեցնելու հարցում: Դրդապատճան ինչպես սեփական կարողությունների բացահայտումն է, այնպես էլ՝ պարագաները: Տեսնում է որոշակի դժվարություններ պարտավորությունների կատարման գործում:
Ցածր մակարդակ	1	Ունի թույլ պատկերացումներ իր գործունեության առարկայի վերաբերյալ: Պաշտոնի գրադեցման նկատմամբ հետաքրքրությունը հստակ չի արտահայտվում: Դիմորդի դրդապատճանը հստակ չէ:

ԱՇԽԱՏԱՆՔԱՅԻՆ ԻՐԱՎԻՃԱԿՆԵՐԻ ՄԻՋՈՑՈՎ ԿՈՄՊԵՏԵՆՑԻԱՆԵՐԻ ՍՏՈՒԳՈՒՄԸ

NN ը/կ	Կոմպետենցիաներ և բնութագրեր	Երաշխավորվող մեթոդ
1.	Խնդրի ձևակերպման հմտություն. Ունակ է հստակ և հակիրճ հասկանալ խնդրի բովանդակությունը, միջանկյալ և վերջնական արդյունքները, իրականացման քայլերն ու ժամկետները:	Իրավիճակային խնդիր. Օրինակ՝ Մասնակցին առաջարկել աշխատողներին առաջարկված խնդիրները ձևակերպել՝ ենելով ստորաբաժանման գործունեությունից:
2.	Ուշադրություն. Հեշտ է կենտրոնանում, նույսիսկ աշխատանքի հանդեպ հետաքրքրության բացակայության դեպքում կարող է արագ կենտրոնանալ դժվար և ոչ հետաքրքիր աշխատանքի վրա: Զանազանում է փաստաթղթերում առկա սխալները:	Իրավիճակային խնդիր. (միաժամանակ ստուգվում է մի քանի հմտություն) Օրինակ՝ Գտնել փաստաթղթում առկա սխալները:
3.	Կառավարման ժամանակակից մեթոդների կիրառման հմտություն. (դեկավար պաշտոնների խմբի համար) Ունի զարգացած որակներ՝ ենթականներին դեկավարելու համար, և հաջողությամբ դրանք դրսևորում է առօրյա աշխատանքում, մշտապես ձգուում է բարձր արդյունքների՝ խնչելու իր, այսպես էլ՝ ենթականների համար: Արդյունավետ կիրառում է պլանավորման, ենթականների շահադրդման և հսկողության ժամանակակից մեթոդները, ինչով ապահովում է նրանց աշխատանքի արդյունավետության բարձր մակարդակը:	Իրավիճակային խնդիր. Օրինակ՝ Առաջարկել մասնակցին մշակել կոնկրետ միջոցառման օրացուցային պլան, պատասխանատվության աստիճանակարգությունը, ընտրել հսկողության մեթոդները:
4.	Ռազմավարական մտածողություն (դեկավար պաշտոնների խմբի համար) Կարողանում է պատկերացնել քոլոր խնդիրները համատեղ, ոնի դրանք տարանջատելու և լուծման հերթականությունը սահմանելու կարողություն: Հնկալում է գործնքացի զարգացման, ընթացիկ և ռազմավարական կառավարման տարրերությունները, կարող է հասկանալ կազմակերպության կառավարումը ներքին և արտաքին ազդեցությունների, ռազմավարական առաջնահերթությունների վերլուծության միջոցով:	Իրավիճակային խնդիր. Օրինակ՝ Առաջարկել մասնակցին վերլուծել որևէ ոլորտի, պետական մարմնի գործունեությունը:

<p>Ենթակաների շահադրդման հմտություն.</p> <p>(ղեկավար պաշտոնների խմբի համար)</p> <p>Կարողանում է բացահայտել առանձին անհատների և խմբի համոգմունքներն ու արժեքները, ունի մտքեր, զաղափարներ ձևավորելու և դրանք որիշներին փոխանցելու կարողություն: Կարողանում է խոսել մարդկանց հետ, համոզել, բացատրել, սովորեցնել՝ հաշվի առնելով նրանց հետաքրքրություններն ու առանձնահատկությունները: Ունակ է փոխել մարդկանց վարքը նույնիսկ կրիտիկական և ոչ ստանդարտ իրավիճակներում:</p>	<p>Իրավիճակային խնդիր.</p> <p>Օրինակ՝</p> <p>Առաջարկել մասնակցին նկարագրել վերացական ստորաբաժանում՝ տարբեր առաջնահերթություններ և պահանջարկներ ունեցող աշխատողներով, և մշակել շահադրդման անհատական սխեմաներ:</p>
<p>Որոշումների կայացման հմտություն.</p> <p>Ունակ է մանրամասնորեն վերլուծել խնդրահարույց իրավիճակը, առանձնացնել նպատակներին ու արդյունքներին հասնելու պահանջները, մշակում է որոշումների տարրերակները: Կարողանում է կայացնել կառավարչական որոշումներ՝ ենթելով պետական մարմնի հիմնական նպատակներից: Ունակ է կայացնել ճիշտ որոշում տեղեկատվության և ժամանակի աղության պայմաններում:</p>	<p>Իրավիճակային խնդիր.</p> <p>Օրինակ՝</p> <p>Բերել աշխատանքի ոչ տիպային իրավիճակի օրինակ և մասնակցին առաջարկել մշակել դրա լուծման մի քանի որոշումներ, հիմնավորել յուրաքանչյոր որոշման առավելություններն ու թերությունները:</p>
<p>Քաղաքացիական ծառայողի մասնագիտական էթիկայի նորմերի իմացություն.</p> <p>Տիրապետում և ճիշտ որոշում է գործողությունների հերթականությունը՝ վարքի ալգորիթմը, ծառայողական փաստաթղթերի ձևակերպման կանոնները՝ քաղաքացիական ծառայողների ծառայողական էթիկայի նորմերի խախտման իրավիճակներում:</p>	<p>Իրավիճակային խնդիր.</p> <p>Օրինակ՝</p> <p>Առաջարկել մասնակցին երաշխավորել գործողությունների հերթականություն՝ շահերի բախման առաջցման իրավիճակում:</p>

ԱՇԽԱՏԱՆՔԱՅԻՆ ԻՐԱՎԻՃԱԿՆԵՐԻ ԳՆԱՀԱՏՈՒՄԸ

Գնահատման չափանիշները	Միավոր	Ցուցիչը
Բարձր մակարդակ	3	Կատարյալ տիրապետում է պաշտոնի անձնագրով սահմանված ընդհանրական և ընտրանքային կոմպետենցիաներին, պաշտոնի անձնագրով սահմանված պահանջներին, կարող է ցանկացած խնդրի լուծմանը ցուցաբերել նորարարական մոտեցում: Կողմնորոշվում է իր ապազա գործունեության հարցում:
Միջին մակարդակ	2	Բավարար չափով տիրապետում է պաշտոնի անձնագրով սահմանված ընդհանրական և ընտրանքային կոմպետենցիաներին, պաշտոնի անձնագրով սահմանված պահանջներին: Կարող է տվյալ բնագավառում վերլուծություններ կատարել և ներկայացնել առաջարկություններ: Կարողանում է հստակ ձևակերպել մասնագիտական եզրույթները: Ունի բավարար գիտելիքներ պաշտոնի անձնագրով նախատեսված գործառույթների վերաբերյալ:
Ցածր մակարդակ	1	Չունի բավարար գիտելիքներ պաշտոնի անձնագրով սահմանված ընդհանրական և ընտրանքային կոմպետենցիաների, պաշտոնի անձնագրով սահմանված պահանջների վերաբերյալ: Ունի մասնագիտական եզրույթների աղուտ պատկերացում: Մասնագիտական գիտելիքներն ու հմտությունները բավարար չեն:

ԱՐԴԻ ՀԻՄՆԱԿԱՆԴԻՐՆԵՐ

ԱՆ Ռ/Կ	Օրինակներ
1.	<p>Տեղյա՞կ եք, որ գործում է ծխելու դեմ պայքարը կանոնակարգող օրենք, որով սահմանափում են այն տարածքները, որտեղ կարելի է ծխել, և սահմանվում են տուգանքներ՝ այդ կանոնները խախտողների համար:</p> <ol style="list-style-type: none"> 1. Ի՞նչ դրական և բացասական հետևանքներ կարող է ունենալ այդ կանոնակարգումը: 2. Ծխողների և ջխողների միջև հակամարտության վերացման ինչպիսի՞ օպտիմալ որոշումներն են Ձեզ համար ընդունելի: Ինչպիսի՞ քառաջարկեր Դուք:
2.	<p>Կոռուպցիայի դեմ պայքարի շրջանակներում պահանջվում է, որ պետական պաշտոնատար անձինք, ինչպես նաև նրանց մերձավոր ազգականները հայտարարագրեն իրենց ունեցվածքը:</p> <ol style="list-style-type: none"> 1. Ինչպիսի՞ դրական և բացասական հետևանքներ ունի տվյալ պահանջը և որքանով է այն արդյունավետ՝ որպես կոռուպցիայի դեմ պայքարի գործիք: 2. Առաջարկեք Ձեր տարրերակները՝ պետական ծառայության համակարգում կոռուպցիայի վերացման համար:
3.	<p>Տեղյա՞կ եք, որ տևական ժամանակ է՝ ընթանում են կրթական համակարգի օպտիմալացման գործընթացներ՝ ուղղված կրթության որակի բարեկամանը:</p> <ol style="list-style-type: none"> 1. Ի՞նչ կարծիք ունեք դրա մասին: Նշեք գործընթացի դրական և բացասական հետևանքները: 2. Ինչպիսի՞ այլնուրանքային միջոցներ կառաջարկեք կրթության որակի բարեկաման համար:
4.	<p>Վերջերս ՀՀ առողջապահության նախարարությունը հանդես եկավ մի շարք դեղերի վաճառքն առանց դեղատոմսի արգելելու նախաձեռնությամբ: Նշենք, որ նմանատիպ պրակտիկա արդեն երկար ժամանակ կիրառվում է մի շարք երկրներում:</p> <ol style="list-style-type: none"> 1. Ի՞նչ հետևանքներ՝ ինչպես դրական, այնպես էլ՝ բացասական, կարող է ունենալ նման նորարարությունը մեր երկրում: 2. Ի՞նչ փոփոխություններ կառաջարկեք Դուք՝ հաշվի առնելով բոլոր ռիսկերը:
5.	<p>Կրթական համակարգի բարեփոխումների շրջանակներում շատ է քննարկվում համակարգի արդիականացման, այդ թվում՝ դպրոցական համազգեստի հարցը:</p> <ol style="list-style-type: none"> 1. Ձեր կարծիքով, միասնական դպրոցական համագետաստ ունենալը ճի՞շտ է, թե՞ սխալ: Նշեք դրա դրական և բացասական կողմերը, դրանց հետևանքները: 2. Դպրոցական համակարգի արդիականացման ինչպիսի՞ միջոցներ կառաջարկեք:

ԱՐԴԻ ՀԻՄՆԱԿԱՆԴԻՐՆԵՐԻ ԳՆԱՀԱՏՈՒՄԸ

Գնահատման չափանիշները	Միավորը	Ցուցիչը
Բարձր մակարդակ	3	Ունի ոլորտի արդի հիմնախնդիրների վերաբերյալ հստակ պատկերացումներ: Ունի վերլուծական միտք, համակողմանիորեն ներկայացնում է հիմնախնդիրի դրական և բացասական կողմերը, տալիս է լուծման արդյունավետ ուժիներ: Մասնագիտական հմտությունների զարգացման մակարդակը բարձր է, գերազանց կողմնորոշվում է ապագա գործունեության հարցում:
Միջին մակարդակ	2	Հստակ և հասկանալի բացատրում է ոլորտի հիմնախնդիրի էլույթունը: Կարճ և տրամարանորեն ներկայացնում է իր մտքերը: Ունի բավարար գիտելիքներ խնդրի լուծման համար: Կարողանում է ձևակերպել մասնագիտական եզրույթները: Ունի բավարար գիտելիքներ պաշտոնի անձնագրով նախատեսված գործառույթների վերաբերյալ:

Ցածր մակարդակ	1	Առկա են ընդհանրական գիտելիքներ տվյալ ոլորտի հիմնախնդրի վերաբերյալ։ Ունի մասնագիտական եզրույթների աղոտ պատկերացում։ Մասնագիտական գիտելիքներն ու հմտությունները բավարար չեն։
---------------	---	--

ԷՍՍԵԻ ՕՐԻՆԱԿԵԼԻ ԹԵՄԱՆԵՐ

NN ը/կ	Օրինակելի թեմաներ
1.	Հայաստանի Հանրապետությունը՝ որպես սոցիալական պետություն
2.	Կոռուպցիայի դեմ պայքարի իրավական հիմքերն ու հակազդման մեխանիզմները Հայաստանի Հանրապետության քաղաքացիական ծառայության համակարգում
3.	Քաղաքացիական ծառայողի ծառայողական վարքագիծը և էթիկան
4.	Շահերի բախումը քաղաքացիական ծառայության համակարգում, դրանց բացահայտման, կանխարգելման և կարգավորման միջոցները
5.	Հանրային ծառայության հրապարակայնությունն ու թափանցիկությունը
6.	Անձնակազմի հետ աշխատանքի նոր մոտեցումները, դրանց կիրառման մեխանիզմները քաղաքացիական ծառայության համակարգում
7.	Քաղաքացիական ծառայողի գործունեության արդյունավետության գնահատումը, կատարելագործման հնարավոր ուժիները
8.	Երիտասարդ մանագետներին քաղաքացիական ծառայության համակարգում ներգրավելու պայմանների և մեխանիզմների ստեղծման հնարավորությունները
9.	Քաղաքացիական ծառայության տեղեկատվական ապահովումը, ժամանակակից տեղեկատվական համակարգերի հնարավորությունները՝ որպես քաղաքացիական ծառայության արդյունավետության բարձրացման միջոց
10.	Կաղրերի ռեգերվը քաղաքացիական ծառայության համակարգում. նպատակն ու հնարավորությունները

ԷՍՍԵԻ ԳՆԱՀԱՏՄՈՒՄԸ

Գնահատման չափանիշները	Միավորը	Ցուցիչը
Բարձր մակարդակ	3	Հարարդակած է հստակ և պարզ՝ առանց ուղղագրական սխալների: Ապացույցները տրամարանական են, առաջ քաշված թեզերը հիմնավոր են և գրագետ: Ներկայացվում են տարրեր տեսակետներ, և դրանց տրվում է անձնական գնահատական: Գրագետ է վերլուծում նյութը: Հմտորեն օգտագործում է համեմատելու և ընդհանրացնելու կարողությունը: Ունակ է բացատրել խնդրի այլընտրանքային տեսակետները և հանգել հավասարակշռված եզրահանգման: Ունակ է օգտագործել տեղեկատվության բամաթիվ հոսքեր:
Միջին մակարդակ	2	Հստակ և ամրողությամբ բնորոշում է դիտարկվող թեման՝ թերելով համապատասխան օրինակներ: Օգտագործվող հասկացություններն ամրողությամբ համապատասխանում են թեմային: Դրսուրեկ է աշխատանքի իրականացման խնդրությունը: Ունի բավարար գիտելիքներ թեմայի վերաբերյալ:
Ցածր մակարդակ	1	Ունի թույլ պատկերացումներ թեմայի վերաբերյալ, բացակայում է վերլուծական միտքը: Աշխատանքը տեխնիկապես համապատասխանում է հիմնական պահանջներին, պահպանվել են կասեի կազմման հիմնական պահանջները: